

## Jurčenko: Na nama je da pokažemo zašto smo prvaci BiH (Foto)

Utakmica osmog kola regionalne ženske košarkaške WABA lige za igračice RMU Banovića sigurno je jedan od najvećih izazova do sada. Odmjerit će snage s Crvenom zvezdom – klubom koji je u WABA ligi neporažen i koji je pored tuzlanskog Jedinstva Aide jedini ex-yu klub koji se može pohvaliti titulom europskog prvaka.

U taboru bh. prvakinja ne nedostaje želje da se dokažu i budu ravnopravan protivnik Zvezdi.

– U goste nam dolazi jedna od najjačih ekipa na našim prostorima, samim tim, gošće su apsolutne favoritkinje. Mi ćemo dati sve od sebe da odigramo najbolje što možemo. A očekujemo i podršku naše vjerne publike – optimistična je Nikolina Zubac.

Optimizma ne manjka, ali trener je veoma realan uoči utakmice protiv prvakinja Srbije.

– Ovo je ogroman izazov i ispit za nas. Zvezda je ipak košarkaška institucija. Ono što je nama u ovom trenutku najvažnije je činjenica da imaju stopostotni učinak u WABA ligi ove sezone i da zaista imaju jaku ekipu. Na nama je da pružimo otpor, da pokažemo zašto smo prvaci BiH i da publika koja dođe da nas podrži odgleda jednu kvalitetnu utakmicu – rekao je trener Banovićanki Goran Jurčenko.

U Banovićima vlada veliko interesovanje za ovu utakmicu, te se iz kluba nadaju velikoj podršci publike.

Utakmica se igra u srijedu, 12. decembra od 18 sati u SKC Banovići, saopćeno je iz kluba. (Foto: Miro Petrović)

60

SHARES

[Share on Facebook](#)

[Tweet](#)

[Follow us](#)

[Share](#)

[Share](#)

[Share](#)

[Share](#)

[Share](#)

Date: 10-12-2018